

PRAVILA PRIVATNOSTI

1. Uvod

Cilj Pravila privatnosti Ministarstva za unutrašnje poslove Bosansko-podrinjskog kantona Goražde (u daljnjem tekstu: Ministarstvo) je da, u skladu sa članom 68. Zakona o zaštiti ličnih podataka („Službeni glasnik BiH”, broj: 12/25) (u daljnjem tekstu: Zakon), svim osobama čije lične podatke Ministarstvo obrađuje u okviru postupaka koje provodi, uz izuzetke propisane posebnim zakonom, na transparentan način pruži informacije o obradi njihovih ličnih podataka.

Pravila privatnosti se primjenjuje na sve lične podatke koje Ministarstvo prikuplja, upotrebljava ili na drugi način obrađuje, direktno ili putem drugih kontrolora.

Prema Zakonu pojmovi navedeni u nastavku imaju sljedeća značenja:

Lični podatak je svaki podatak koji se odnosi na fizičku osobu čiji je identitet utvrđen ili se može utvrditi.

Obrada ličnih podataka je svaki postupak ili skup postupaka koji se obavlja na ličnim podacima ili na skupovima ličnih podataka, automatiziranim ili neautomatiziranim sredstvima kao što su: prikupljanje, evidentiranje, organizacija, strukturiranje, čuvanje, prilagođavanje ili izmjena, pronalazjenje, ostvarivanje uvida, upotreba, otkrivanje prijenosom, širenjem ili stavljanjem na raspolaganje na drugi način, usklađivanje ili kombinovanje, ograničenje, brisanje ili uništavanje.

Kontrolor podataka je fizičko ili pravno lice, javni organ ili nadležni organ koji samostalno ili sa drugim određuje svrhe i sredstva obrade ličnih podataka.

Nadležni organ je organ koji je nadležan za spriječavanje, istragu i otkrivanje krivičnih djela, gonjenje učinilaca krivičnih djela ili izvršenje krivičnih sankcija, uključujući i zaštitu i spriječavanje prijetnji javnoj sigurnosti, kao i pravna lica ako su zakonom ovlaštena za obavljanje tih poslova, kao posebna kategorija kontrolora podataka.

2. Podaci o kontroloru podataka

Ministarstva za unutrašnje poslove Bosansko-podrinjskog kantona Goražde,

Adresa: Zaima Imamovića 5, 73 000

Kontakt telefon: +387(0) 38 221-532

Faks: +387(0) 38 221-532

E-mail: ministarmupg@bpkg.gov.ba

Podaci o službeniku za zaštitu ličnih podataka

Kontakt telefon: +387(0) 38 221-532

Faks: +387(0) 38 221-532

E-mail: szzpmupbpbk@bpkg.gov.ba

3. Svrha i pravni osnov za obradu ličnih podataka

Vaši lični podaci obrađuju se u skladu sa članom 8. stav (1) i članom 68. Zakona, kao i na osnovu odredbi člana 8. Zakona o unutrašnjim poslovima Bosansko-podrinjskog kantona Goražde („Službene novine Bosansko-podrinjskog kantona Goražde”, broj: 6/15), izvršavajući svoje nadležnosti i ovlaštenja, te drugim primjenjivim zakonima. Navedene nadležnosti i ovlaštenja, između ostalog podrazumijevaju:

- saradnja sa drugim ministarstvima unutrašnjih poslova i drugim organima u BiH u okviru nadležnosti Ministarstva,
- poslovi izdavanja, poništavanja i zamjene ličnih karata i jedinstvenog matičnog broja građana i vođenja evidencija,
- poslovi izdavanja, poništavanja i zamjene putnih isprava,
- registracija motornih vozila,
- poslovi izdavanja i zamjene vozačkih dozvola,
- poslovi prijavljivanja, odjavljivanja i vođenja evidencije o prebivalištu i boravištu građana,
- ažuriranje i čuvanje duplikata matičnih knjiga,
- poslovi promjene ličnog imena i/ili prezimena, promjene spola i drugi poslovi iz oblasti matičnih knjiga koji su propisima iz ove oblasti stavljeni u nadležnost Ministarstva,
- poslovi koji se odnose na državljanstvo, a koji su po zakonima i podzakonskim propisima iz oblasti državljanstva stavljeni u nadležnost Ministarstva,
- poslovi koji se odnose na rad agencija i unutrašnjih službi za zaštitu ljudi i imovine koji su zakonom i drugim propisima iz ove oblasti stavljeni u nadležnost Ministarstva,
- inspekcijski nadzor u oblastima iz svoje nadležnosti,
- saradnja sa drugim ministarstvima unutrašnjih poslova i drugim organima u BiH kao i obavljanje drugih poslova i zadataka koje Federalno ministarstvo unutrašnjih poslova (u daljem tekstu: Federalno ministarstvo) povjeri Ministarstvu, u okviru svoje nadležnosti,
- pružanje pomoći drugim organima uprave i pravnim licima koja vrše javna ovlaštenja u skladu sa ovim Zakonom i
- upravni i drugi poslovi i zadaci stavljeni u nadležnost Ministarstva, u skladu sa ovim Zakonom i drugim propisima.

4. Vremenski period čuvanja ličnih podataka

Vaše lične podatke Ministarstvo obrađuje u vremenskom periodu koji je potreban da se ispuni svrha njihove obrade. Ministarstvo redovno vrši periodičnu provjeru opravdanosti daljnjeg čuvanja ličnih podataka, te se svi podaci koji više nisu potrebni za utvrđenu svrhu ili zakonske obaveze bez odlaganja brišu.

Nakon prestanka svrhe za koju su prikupljeni, podaci se više neće koristiti i čuvat će se u skladu sa Listom kategorija registraturne građe sa rokovima čuvanja u Ministarstvu, Zakonom o arhivskoj djelatnosti i drugim propisima o arhivskoj građi.

5. Tehničke i organizacione mjere zaštite ličnih podataka

Vaše lične podatke Ministarstvo obrađuje na način kojim se osigurava odgovarajuća sigurnost i povjerljivost, kao i odgovarajuća primjena načela zakonite obrade ličnih podataka, te smanjenja količine ličnih podataka po načelu neophodnosti. Ministarstvo poštuje vremenski period čuvanja

ličnih podataka, kao i njihovu raspoloživost.

Preduzete su fizičke, tehničke i organizacione mjere zaštite ličnih podataka koje su propisane Planom sigurnosti ličnih podataka. Pored drugih mjera, obavezali smo zaposlenike Ministarstva na povjerljivost ličnih podataka koje saznaju u obavljanju posla, te radimo na njihovoj edukaciji u cilju podizanja svijesti o zaštiti ličnih podataka. Pored navedenog, svi zaposleni u Ministarstvu potpisali su izjave o povjerljivosti ličnih podataka kojima pristupaju.

6. Koja su Vaša prava u vezi sa obradom ličnih podataka?

Vaša prava, uz izuzetke propisane posebnim zakonom, su:

- pravo na pristup svojim ličnim podacima,
- pravo na ispravku ličnih podataka,
- pravo na ograničenje obrade ličnih podataka
- pravo na prenosivost ličnog podatka
- pravo na brisanje ličnih podataka i
- pravo na prigovor.

Za ostvarivanje svojih prava možete se obratiti Ministarstvu pisanim putem ili putem elektronske pošte na naprijed naznačenu adresu. Ako ste nezadovoljni postupkom Ministarstva, možete se obratiti nadležnom nadzornom organu www.azlp.ba ili podnijeti tužbu nadležnom sudu.

7. Prijenos ličnih podataka drugim kontrolorima podataka, prenos ličnih podataka u inostranstvo

Vaše lične podatke Ministarstvo može dati drugim kontrolorima ukoliko je to potrebno za izvršavanje zakonom propisanih obaveza. Također, vaše podatke Ministarstvo neće prenositi drugim kontrolorima u inostranstvu, osim ukoliko takva obrada nije neophodna na osnovu zakona ili međunarodnog ugovora koji obavezuje Ministarstvo.

Vaše lične podatke Ministarstvo daje pružaocima informatičko-komunikacionih usluga sa kojima je zaključila ugovor i koji poštuju pravila postupanja sa ličnim podacima.

8. Korištenje kolačića (cookies)

Na našoj službenoj internetskoj podstranici <https://mup.bpkg.gov.ba/> koriste se obavezni, odnosno tehnički kolačići (cookies). Ti kolačići su male datoteke koje omogućavaju ispravan rad internet mjesta i iste ne možemo isključiti, te za korištenje kolačića takve vrste ne trebamo vašu saglasnost. Obavezni kolačići ne pohranjuju nikakve informacije koje bi vas mogle identificirati.

9. Promjene Pravila privatnosti

Pravila prihvatnosti se redovno ažuriraju u slučajevima eventualnih promjena, kako bi ista sadržavala tačne, provjerene i transparentne informacije. O svim izmjenama i dopunama bit ćete blagovremeno informirani u skladu sa načelom transparentnosti.